

БОГОРОДИЧНЫ И КРЕСТОБОГОРОДИЧНЫ, ИЖЕ ГЛАГОЛЮТСЯ ПО ТРОПАРЕХ, НА ВЕЧЕРНИ И НА УТРЕНИ,

ПО ГЛАСУ ТРОПАРЯ: СЛАВА, И НЫНЕ

Богородичен, глас 1. Молитвы Своих раб прими Богородице, и избави нас от всякия беды, яко рождыши Христа Спаса, Избавителя душам нашим.

Аще ли же среда и пяток, глаголется по гласу тропаря крестобогородичен. Иже Твое заступление стяжавше Пречистая, Твоими молитвами от бед избавляемся. И Крестом Сына Твоего всегда сохраняеми, подолгу Тя вси благочестно величаем.

Богородичен, глас 2. Мати святая пречистаго Света, ангельскими песнями чтуце Тя, поем и величаем. **Крестобогородичен.** Тебе величаем Богородице, вопиюще: радуися жезле, от него же без семени Бога прозябла еси, разрушившаго древом смерть.

Богородичен, глас 3. Кождо идеже спасается, в правду тамо прибегает, и кое ино таково прибежище, яко Твое Богородице, покрывающее душа наша. **Крестобогородичен.** Жезл силы стяжавше, Крест Сына Твоего Богородице, тем низлагаем вражия шатания, иже любовью Тя непрестанно величаючи.

Богородичен, глас 4. Стена непобедимая нам христианом еси, Богородице Дево. К Тебе бо прибегаящи, невредени пребываем. И паки согрешающе, имамы Тя Молитвеницу. Тем благодаряще вопием Ти: радуися Обрадованная, Господь с Тобою. **Крестобогородичен.** Дево всенепорочная, Мати Христа Бога, оружие пройде Твою пречистую душу, егда распинаема волею виде Сына и Бога Твоего. Его же Преподобная молящи не претай, прощение согрешением нашим даровати.

Богородичен, глас 5. Иже от Девы восиявыи всему миру, Христэ Божэ, и сыны света Той ради показавыи, помилуй нас. **Крестобогородичен.** Крестом Сына Твоего Богорадованная, идольская прелесть вся упразднися, и бесовская крепость попрася. Сего ради вернии подолгу Тя присно поем и благословим, и Богородицу воистину исповедающе, Тя величаем.

Богородичен, глас 6. По словеси Твоему, Мати истинная, се вси роди блажаше, Тя поем и величаем. **Крестобогородичен.** Богородице Дево, моли Сына Своего, волею пригвоздившагося на Кресте, и мира от лести свободившаго, Христа Бога нашего, помилovati душа наша.

Богородичен, глас 7. Аще и Матерь Тя тварь позна, но

Богородичны и крестобогородичны

Автор: Павел
01.04.2012 13:28

Дэву Тя Зиждитель показá. Родí бо плóтию Христá Бóга
нашего, спасающаго душá наша. **Крестобогородичен.** Богорóдице Чíстая
прíсно Дéвая, на Крестé зрящи Своегó Сына вíсяща, я́ко Мáти пла́чуци,
возвеличáше стрáнное Егó сошéствие.

Богородичен, глас 8. Рáдуися, я́же от Ангела мíру рáдость
приёмшая. Рáдуися, рóждьшая Творцá твáри. Рáдуися,
сподóбльшаяся бýти Мáти Христá Бóга. **Крестобогородичен.** Агньца и
Пáстыря и Спáса мíру, на Крестé зрящи рóждьшая Тя, глагóлаше слезя́щи:
мир úбо рáдуется, приёмля Тобою́ избавлéние. Утрóба же моя́ горíт, зрящи
Твоé распя́тие, ё́же за всех терпíши, Сы́не и Бóже мой.